

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-9857/19
Sarajevo, 29.05.2019.godine

Na temelju člana 24. stav (1) tačka a) i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, a na preporuku Komisije za javnu nabavku radova, Općinski načelnik d o n o s i:

ODLUKU

o dodjeli ugovora i odabiru najpovoljnijeg ponuđača

I Prihvata se preporuka Komisije i ugovor u predmetu „Izvođenje dodatnih radova na izgradnji cjevovoda DN 300 za poslovnu zonu -Bačići prema osnovnom Ugovoru br. 02/12-23-19291/17 od 16.11.2017.godine“, dodjeljuje se ponuđaču MANJO doo Sarajevo, Ferde Hauptmana br. 7. Sarajevo, sa iznosom konačne ponude 19.091,79 KM sa uračunatim PDV-om.

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda, zapisnici o pregovaranju i Zapisnik o radu Komisije sa preporukom za dodjelu ugovora u spisu.

III Zadužuje se Služba za zajedničke poslove, da obavijesti učesnika pregovaračkog postupka o prihvatanju ponude, a u skladu sa datim Zapisnikom o radu Komisije i preporukom za dodjelu ugovora, te nakon isteka žalbenog roka pripremi prijedlog ugovora i u predviđenom zakonskom roku dostavi odabranom Izvođaču na potpis.

IV Konstatuje se da je ponuđač iz stava I ove Odluke dostavio sve dokumente tražene u tački 7. tenderske dokumentacije u skladu sa članom 45. stav 2. tačka od a) do d) Zakona, ne starije od tri mjeseca računajući od momenta dostavljanja ponude, te se oslobađa naknadnog dostavljanja istih.

Obrazloženje

Uvidom u dostavljeni izvještaj o radu Komisije i preporuku za dodjelu ugovora konstatovano je sledeće: Tokom realizacije Ugovora broj 02/12-23-19291/17 od 16.11.2017.godine o Izvođenju radova na izgradnji cjevovoda DN 300 za poslovnu zonu-Bačići Ø 300 dužine L=235m, javila se potreba za izvođenjem dodatnih radova.

Opravdanost provođenja pregovaračkog postupka utvrđena je na osnovu mišljenja stručno-tehničkog nadzora br. P-11-03-023/19 od 05.03.2019.godine i dostavljenog Obrazloženja Službe za investicije i komunalne poslove br. 02/08-23-23850/19-vs od 19.04.2019.godine. Navedenim aktima potvrđena je opravdanost izvođenja dodatnih radova.

U vezi sa tim, Služba za investicije i komunalne poslove obratila se sa Zahtjevom za odobravanje nabavke, nakon čega Služba za zajedničke poslove upućuje Zahtjev za pokretanje postupka javne nabavke broj 02/12-sl od 25.04.2019.godine Općinskom načelniku.

Postupajući po gore navedenim zahtjevima, a u skladu sa članom 18. stav 1) Zakona o javnim nabavkama („Službeni glasnik BiH broj 39/14“) Općinski načelnik donio je Odluku o pokretanju postupka javne nabavke za „Izvođenje dodatnih radova na izgradnji cjevovoda DN 300 za poslovnu zonu -Bačići

prema osnovnom Ugovoru br. 02/12-23-19291/17 od 16.11.2017.godine“, putem pregovaračkog postupka bez objavljivanja obavještenja o javnoj nabavci. Poziv za učešće u pregovaračkom postupku broj 02/12-23-9857/19 od 06.05.2019.godine upućen je izvođaču radova MANJO doo Sarajevo, za dostavu ponude za izvođenje dodatnih radova u predmetnoj nabavci.

Dana 14.05.2019. godine Komisija je otvorila dostavljenu inicijalnu ponudu koja predstavlja osnov za pregovaranje. Komisija konstatuje da ponuđena cijena za ugovor u inicijalnoj ponudi iznosi 16.317,77 KM bez PDV-a, odnosno 19.091,79 KM sa uračunatim PDV-om.

U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ovlaštenim predstavnikom ponuđača o istom. U toku pregovaranja, ponuđač je izjavio na Zapisnik da ostaje pri predloženoj cijeni u inicijalnoj ponudi. Tokom pregovora, ponuđač se saglasio i sa ostalim uslovima iz tenderske dokumentacije. Komisija je zatražila od ponuđača da se u ostavljenom roku izjasni o konačnosti svoje ponude. Zapisnici o otvaranju i pregovaranju dostavljeni ponuđaču na fax.

Ponuđač je dostavio Izjašnjenje broj 1-251518 od 15.05.2019.godine, u kome je potvrdio da je njegova inicijalna ponuda od 14.05.2019.godine, ujedno i konačna ponuda.

Komisija je izvršila analizu konačne ponude i utvrdila da ista u cijelosti ispunjava sve uslove tražene tenderskom dokumentacijom i da je ista i računski ispravna.

Nakon svih provedenih aktivnosti, Komisija je konačnu ponudu putem Službe za investicije i komunalne poslove, dostavila Stručno-tehničkom nadzoru na uvid. Nadzor je svojim aktom br. D-05-049/19 od 27.05.2019. godine utvrdio da jedinične cijene iz konačne ponude „odgovaraju aktuelnim tržišnim, te da se prema istima može ugovarati.“

U toku pregovaračkog postupka postignut je dogovor oko svih uslova ugovora. Iz navedenih razloga, a primjenom člana 64. stava 1) tačka b) Zakona o javnim nabavkama, odlučeno je kao u dispozitivu Odluke.

Pouka o pravnom lijeku

Ponuđač koji je sudjelovao u postupku javne nabavke može radi zaštite svojih prava i pravnih interesa, izjaviti žalbu Uredu za razmatranje žalbi putem ugovornog organa u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila,
Enisa Babić, dipl. pravnik

- Dostaviti:
1. Ponuđaču
 2. Služba za zajedničke poslove
 3. A r h i v i / u spis



Općinski načelnik
mr. Semir Efendić